

勞復食復 差後諸病 陰陽易 四時傷寒否 冬為傷寒 春為溫病

夏為暑病 秋為瘧 一歲長幼 疾狀相似為疫 多眠多汗 脈浮為風溫

一身盡痛為濕 瘧 婦人傷寒 小兒傷寒

# 準繩寒科

準繩寒科七

傷寒證治準繩帙之七

金壇王肯堂輯

瘦樵程永培校

勞復食復

女勞復

麗病新差後氣血津液虛耗慎勿爲諸勞動事凡言語思慮勞神梳浴澡頰勞力勞則生熱而復病如初也又新差後精髓枯燥切不可爲房事犯房事勞復必死魏督郵顧子獻病差後華佗囑之慎勿勞事餘事尚可女勞卽死此是女勞復非陰陽易也又素問云病熱而有所遺者是新差後腸胃尚弱若多食則難消化而復病如初也此是食復新差強人足兩月

虛弱人足百日則無復病矣

大病差後勞復者枳實梔子湯主之若有宿食者加大

黃如博碁子大五六枚成病有勞復有食復傷寒新差血氣未平餘熱未盡早作勞動

病者名曰勞復病熱少愈而強食之熱有所藏因其穀氣留搏兩陽相合而病者名曰食復勞復則熱氣浮越

與枳實梔子豉湯以解之不待虛煩懊懣也食復則胃有宿積加大黃以下之不待腹滿譫語之候也

### 枳實梔子豉湯方

枳實 叁枚炙

梔子 拾肆枚

豉 壹升綿裹

右三味以清漿水七升空煮取四升內枳實梔子煮

取二升下豉更煮五六沸去滓溫分再服覆令微似

汗傷寒之邪自外入勞復之邪自內發發汗吐下當隨宜施治也

枳實梔子豉湯則應吐劑此云覆令微似汗出者以其熱聚於上苦則吐之熱散於表者苦則發之內經曰火淫所勝以苦發之此之謂也

傷寒差已後更發熱者小柴胡湯主之脉浮者以汗解

之脉沉實者以下解之差後餘熱未盡更發熱者與小柴胡湯以和解之脉浮者熱在

表也故以汗解脉沉者熱在裏也故以下解之

海大抵勞者動也動非一種有內外血氣之異焉若勞

乎氣則無力與精神者法宜微舉之若勞乎血與筋骨

者以四物之類補之若勞在脾內為中州調中可已此

為有形病也但見外證則謂之復病非為勞也如再感

風寒是已

許記有人患傷寒得汗數日忽身熱自汗脉弦數心不  
得寧真勞復也予診之曰勞心之所致神之所舍未復  
其初而又勞傷其神榮衛失度當補其子益其脾解其  
勞庶幾得愈授以補脾湯佐以小柴胡湯解之或者難  
曰虛則補其母今補其子何也予曰子不知虛勞之異  
乎難經曰虛則補其母實則瀉其子此虛當補母人所  
共知也千金曰心勞甚者補脾氣以益之脾王則感之  
於心矣此勞則當補子人所未聞也蓋母生我者也子  
繼我而助我者也方治其虛則補其生我者與錦囊所  
謂本骸得氣遺體受陰同義方治其勞則補其助我者

與荀子言未有子富而父貧同義此治虛與勞所以異也

補脾湯治傷寒得汗差後脾胃傷冷物胸膈不快尋常血氣不和

人參

白朮

甘草

橘皮

去白

青皮

去白

乾薑

各等分

右為末每服三錢水一盞煎數沸熱服人鹽點亦得

海麥門冬湯治勞復氣欲絕者用之有效能起死回生

麥門冬

去心 壹兩

甘草

炙貳兩

粳米

半合

右為細末水二盞煎粳米令熟去米約湯一小盞半

入藥五錢七棗二枚去核新竹葉一十五片同煎至  
一盞去渣溫服不能服者綿滴口中又治小兒不能  
灌藥者宜用此綿滴法此方不用石膏以其三焦  
無火熱也兼自欲死之人陽氣將絕者故不用石膏  
若加人參大妙

外天病後不足病虛勞補虛取七歲已下五歲以上黃  
牛乳一升水四升煎至一升加人饑稍稍飲不得多期  
十日服不住佳

肘治篤病新起早勞食飲多致勞復欲死燒鼈甲服方  
寸七



活雄鼠屎湯 治勞復

梔子

拾肆枚

雄鼠屎

貳朶粒兩頭尖者是枳殼炒

右為細末每服四錢水一盞半入蔥白二寸香豉三十粒同煎一盞分二服勿令病人知鼠屎

七味蔥白湯 治傷寒或因起動勞復或因吃食稍多

皆成此候若復甚者一如傷寒初有此證宜服此方

蔥白

連須

乾葛

新豉

半合

生薑

切壹合

麥門冬

去心

熟地黃

各叁錢

流水

肆升以杓揚之

右七味用清水煎三分減二去滓分二服漸漸服之

取汗

千金方 治勞復或食復發熱者

梔子仁

石膏

各參錢

猓鼠屎

拾肆粒

鼓 半合

右用水二鍾煎至一鍾去滓通口服之

補中益氣湯

治勞復發熱氣高而喘身熱而煩四肢

怠惰

人參 貳錢

白朮

軟苗柴胡

陳皮

白芍藥

各壹錢

當歸身

黃芪

各壹錢貳分

甘草

升麻

各伍分

右作一服用水二鍾煎至八分去滓溫服 若下元

陰火動或夢中失精或虛勞煩盛或自汗陰虛不足

者加知母黃蘗

各壹錢

五味子

玖粒

麥門冬

壹錢半

主之若

兼有宿食不消心下痞者去升麻人參加枳實黃連

各壹錢

主之若不能眠者加遠志酸棗仁

各壹錢

茯神

壹錢

半主之凡脉弱人虛倍用人參自汗盜汗倍用黃芪

食少胃弱倍用白朮外熱多倍加軟苗柴胡之類

吳夫大病新瘥後血氣虛弱餘熱未盡古人所謂如大

水浸墻水退則墻蘇不可犯之但宜安卧守靜以養其

氣設或早起動勞則血氣沸騰而發熱也經言脉浮者

以汗解之脉實者以下解之若不可汗不可下宜小柴

養復

胡湯隨證增損以和之或泚然汗出而解或寒顫汗出而解也凡新瘥後虛煩不得眠者參胡溫膽湯加酸棗仁主之凡虛羸少氣氣逆欲嘔者竹葉石膏湯主之虛熱燥渴者亦用此湯去半夏主之活人書治勞復身熱者豨鼠屎湯主之千金治勞復以麥門冬湯主之易老加人參以益元氣也若身熱食少無力者以參胡三白湯或補中益氣湯增損主之如無熱而下虛有寒者以黃芪建中湯虛甚者以大建中湯人參養榮湯之類主之若陰虛火動者必少加知母黃檗以收腎水也

凡新瘥後只宜先進白稀粥湯次進濃者又次進糜粥

亦須少少與之常令不足則不可盡意過食之也其  
諸般肉食等物皆不可食經言病人新差脉已解但日  
暮微煩者此食穀早或多故也蓋胃弱不能消化宜減  
穀則愈矣經言食復發熱者以枳實梔子豉湯主之如  
宿食內結大便不去者加大黃如圍碁子大五六枚下  
之又曰食復發熱不解者以柴胡湯加減隨證用之若  
食少胃弱痞悶者以四君子湯爲主而加味以主之如  
有表熱加軟苗柴胡內外有熱少佐黃芩心下痞悶心  
煩有內熱加枳實黃連如不眠更加酸棗仁有痰加橘  
紅半夏嘔吐者亦加之如米食不化加神麩麥蘖肉食

復女勞

不化加棠求子枳實青皮之類消尅之也貴在通變而已

凡男子大病瘥後早犯女色而爲病者名曰女勞復也其候頭重不舉目中生花腰背疼痛或小腹裏急絞痛或憎寒發熱或時陰火上衝頭面烘熱心胸煩悶活人書以猥鼠屎湯主之有熱者以竹皮湯燒硯散主之千金方以赤衣散主之虛弱者以人參三白湯調下赤衣散爲妙若小腹急痛脉沉逆冷者以當歸四逆湯加附子吳茱萸送下赤衣散救之仍以吳茱萸一升酒拌炒熨小腹爲佳凡卵縮入腹離經脉見者死不可救也

竹皮湯 治女勞復頭重不舉目中生花腹中絞痛有

熱者

青竹皮

刮取  
半升

右用水二鍾煎至七分溫服之

千金赤衣散 治女勞復并陰易

室女月經布近隱處者燒灰用白湯下日三服

飲酒  
復刺

凡酒味苦辛乃大熱有毒者也且大寒惟酒不冰其熱  
可見也蓋傷寒熱病本熱未解而欲飲酒則轉加熱盛  
而病增劇若脉弦大者須用小柴胡湯加葛根黃連烏  
梅主之若脉洪大者以人參白虎湯加葛根黃連主之

或竹葉石膏湯黃連解毒湯皆可用多加雞距子九炒

而飲飲味苦和甜大者不用小藥酒葛根黃連黃芩湯

此其也蓋因家慈秘本煎米泔清冷煎酒煎神嗽熱

共酒和苦寒以大陳降毒清出且大寒並附不米其煎

空文以辨中後辨家書幾知用白粉可日三服

千金亦示婦 命文與對症創具 以易辨之

皆用米二盞煎至半合量服之 以易辨之

書評家 命文與對症創具 以易辨之

皆用米二盞煎至半合量服之 以易辨之

命文與對症創具 以易辨之



瘥後諸病

水氣大病差後從腰已下有水氣者牡蠣澤瀉散主之

成大病差後脾胃氣虛不能制約腎水歸於隧道故小  
溢下焦腰以下為腫也金匱要略曰腰以下腫當利小

便與牡蠣澤瀉散  
利小便而散水也

牡蠣澤瀉散方

牡蠣熬

澤瀉

括藜根

蜀漆

洗去脚

葶藶熬

商陸根熬

海藻

洗去鹹已  
上各等分

右七味異搗下篩為散更入臼中治之白飲和服方

寸匕小便利止後服日三

鹹味湧泄牡蠣澤瀉海藻之鹹以泄水氣內經曰濕  
淫於內平以苦佐以酸辛以苦泄之蜀漆葶藶括藜